



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-1-40-199-2/26**

Datum: **01.06.2026. godine**

«Agencija za vodno područje rijeke Save» Sarajevo rješavajući po zahtjevu Investitora Semir Aganović iz Goražda, za izdavanje prethodne vodne saglasnosti za ispuštanje tehnoloških otpadnih voda sa lokacije stambeno - poslovnog objekta (autoservis), na osnovu člana 139. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

## R J E Š E N J E

1. Odbija se zahtjev Investitora Semira Aganovića iz Goražda za izdavanje prethodne vodne saglasnosti za ispuštanje tehnoloških otpadnih voda sa lokacije stambeno - poslovnog objekta (autoservis), planiranog na zemljištu označenom kao k.č. broj: 1373 K.O. Goražde II, Grad Goražde, s obzirom da za predmetnu aktivnost, prema utvrđenom činjeničnom stanju, nije propisana obaveza pribavljanja vodnih akata od strane ove Agencije.
2. Ako tokom korištenja objekta dođe do promjene njegove namjene, pri čemu će dolaziti do produkcije i ispuštanja tehnoloških otpadnih voda u površinske vode ili okoliš, te ukoliko Investitor ugradi podne slivnike u prostoru autoservisa, dužan je pribaviti vodne akte od nadležnog organa.

## O b r a z l o ž e n j e

Investitor Semir Aganović iz Goražda obratio se ovoj Agenciji sa zahtjevom zaprimljenim dana 12.05.2026. godine za izdavanje prethodne vodne saglasnosti za ispuštanje tehnoloških otpadnih voda sa lokacije stambeno - poslovnog objekta (autoservis), na zemljištu označenom kao k.č. broj: 1373 K.O. Goražde II, Grad Goražde.

U provedenom postupku dostavljena je i pregledana sljedeća dokumentacija:

- Kopija lične karte (ovjerena kopija);
- Dokaz o uplaćenju administrativnoj upravnoj pristojbi;
- Zemljišnoknjižni izvadak broj: 045-0-NAR-26-0001249 ZK uložak broj: 4538 izdat dana 20.04.2026. godine od strane Zemljišnoknjižnog ureda, Općinski sud u Goraždu (ovjerena kopija);
- Kopija katastarskog plana, razmjera 1:1000, UR broj: 07-26-3-215/2026-1 od 20.04.2026. godine, izdata od Službe za geodetske, imovinsko-pravne poslove i katastar nekretnina, Grad Goražde (ovjerena kopija);
- Mišljenje o usklađenosti planirane aktivnosti sa dokumentima prostornog uređenja broj: 04-3-19-2-1816/26 od 30.04.2026. godine izdato od Službe za urbanizam, prostorno uređenje i komunalne poslove, Grad Goražde (original);
- Studija za izdavanje prethodne vodne saglasnosti za stambeno – poslovni objekat čija je namjena autoservis, april 2026. godine, urađena od strane „HBK“ d.o.o. Sarajevo.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Na osnovu uvida u dostavljenu dokumentaciju utvrđeno je sljedeće:

- Poslovno - stambeni objekat se nalazi na zemljištu označenom kao k.č. broj: 1373 K.O. Goražde II, Grad Goražde, u naselju Krsnica, na lijevoj obali rijeke Drine, sa lijeve strane regionalne ceste R448 u pravcu Goražda.
- Osnovna namjena stambeno – poslovnog objekta je autoservis.
- Spratnost objekta je: prizemlje + 2 sprata. Prizemlje će se koristiti kao autoservis, dok će se prvi i drugi sprat koristiti kao stambeni prostor. Gabariti objekta su: 11,00 m x 11,00 m.
- Prema dostavljenoj Studiji, u predmetnom objektu ne nastaju tehnološke otpadne vode kao posljedica tehnološkog procesa, te će se sav otpad zbrinjavati suhim postupkom, skladištiti i odlagati u kontejnere koje će zbrinjavati ovlaštena firma u skladu sa Zakonom o upravljanju otpadom. Ukoliko se pojave određene manje količine ulja koja mogu curiti iz pojedinih mašinskih dijelova vozila, ovo ulje će se prikupiti suhim postupkom, odnosno krpama i suhim upijačima i odložiti u nepropusne posude nakon čega će se iste odložiti kao otpad na za to predviđeno mjesto do konačnog zbrinjavanja od strane ovlaštenog pravnog lica.
- U tehnološkom procesu se neće koristiti voda te neće nastajati tehnološke otpadne vode iz procesa rada, kako je to utvrđeno odredbama člana 3. tačka cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20 i 1/24).
- Također je utvrđeno da na pripadajućim prometnim površinama ne nastaju oborinske onečišćene vode kako je to utvrđeno odredbama člana 3. tačka s) a u vezi sa tačkom cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20 i 1/24).
- U skladu sa dostavljenom Studijom, predviđeno je čišćenje podova suhim postupkom te nije dozvoljeno postavljanje slivnika ili rešetki u podu autoservisa.

Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. tačka s) a u vezi sa tačkom cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20 i 1/24), odnosno nema ispuštanja tehnoloških otpadnih voda u smislu odredbi člana 139. stav (1) Zakona o vodama («Službene novine Federacije BiH», broj 70/06).

Na osnovu navedenog, a u skladu sa članom 200. Zakona o upravnom postupku («Službene novine Federacije BiH», broj 2/98, 48/99 i 61/22) riješeno je kao u dispozitivu ovog rješenja.


#### **Uputa o pravnom lijeku:**

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Senida Džajić - Rghei, dipl.inž.građ.

Po ovlaštenju  
Rukovodilac sektora za izdavanje vodnih akata  
  
Nihad Bezo, dipl.inž.građ.



Dostaviti:

- Semir Aganović, Braće Homoraša 70, 73 000 Goražde
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava